

չան և տվին դրամ, զի հարկատուք կեօն մուճակս ունիցին, զի մի խափանեսցի գործն և վաստակն իւրեանց. և նա հրաման արարեալ մուճակին, աղաղակեալ ի փողոցս և ի հրապարակս քաղաքիս, Վա՛յ տալով թէ ոչ ունիցին, ասէ, զկեօն պապուճ:

Յաւուրսն յայտոսիկ զէնկիչէր աղասին սպանեալ վէզիրին վասն սակաւ իրաց, ասելոյն թէ ի սովոյ ջարդին զօրքս աստ, երթեալ ի տեղիս իւրեանց ձմեւես[ցեն] և ապա գայցին ի դէմ գարնան:

Եւ ընդ աւուրսն ընդ այնոսիկ յղեալ մարդ վէզիրին առ զափուքեհեստի պարօնն Պուղտանայ եւ զգեցուցեալ նմա խիւղայս իշխանութեան և առաքէ զնա ի Պո[ղ]տան տիրել նմա, զոր ի վաղուց վայս ի Տաճկաց ոչ ոք կարաց առնել: Եւ Ուլահու պարօնն հին պատերազմեալ ընդ նորոյ և թաթարն բազում աւերս արարեալ և ջարդեալ ի զօրաց նոցա բազումս, մինչև նստուցանէ զնոր պարօնն անդ (բարձր) թուրքաց, որում անուն ասէին Ճիւան (բարձր):

Յաւուրս այնոսիկ եկին յէտրէնու փաշային մարդն և աստի առաքեալ վէքիւն, ոչ լինելով բան և ոչ մի վասն երուսաղէմայ, քանզի առեալ վէզիրին զարգքն և եղեալ ի ներքոյ ծնկացն և գրեալ պատասխանի առ որդին թալարի կնքով, ոչ զիտացաք: Այլ սոքա խորհուրդ առեալ ի մէջ և գրել ետուն ինձ առ վարդապետն Երուսաղէմայ՝ զի տեսցեն ընդ փաշային բան և առցեն արդ և ի դատաւորէն և ելեալ եկեսցեն աստ միաբանօք և ըստաւորօք. և գնացին Ուրբաթի օր Ե-ին<sup>1)</sup> Մարտի: Եւ գրել ետուն Մարտիրոս վարդապետին ևս ի Կաֆա, զի և նա եկեսցէ՝ եթէ տեսեալ իցէ զգործ որ առ գլխաւորս թաթարին:

1) 2-ին.